

Pewani Kulakalaka Zinthu Zoipa

Davide ndi Bati-seba—Gawo 1

Malangizo: Chitani zotsatirazi muli pamalo opanda phokoso. Mukamawerenga mavesiwo, mukhale ngati mukumva zimene anthuwo akulankhula. Yesani kumva mmene anthu a mu nkhanayi akumvera mu mtima mwawo.

Amene akutchulidwa kwambiri m'nkhanayi: Davide, Bati-seba, Uriya ndi Yoabu

Chidule cha nkhanayi: Davide anachita tchimo lalikulu ndipo anayesetsa kuti alibise.

1 GANIZIRANI ZIMENE ZINACHITIKA.—WERENGANI 2 SAMUELI 11:1-27.

Jambulani chithunzi cha mmene inuyo mukuganizira chosonyeza mmene denga limene Davide anakwerapo pa nthawi imene anaona Bati-seba akusamba linkaonekera. Mungajambule pamene panali Davide komanso pamene panali Bati-seba.

Kodi mukuganiza kuti anthu otsatirawa, omwe atchulidwa kwambiri m'nkhanayi, anali ndi makhalidwe otani?

Davide _____

Bati-seba _____

Uriya _____

Yoabu _____

Kodi mukuganiza kuti Uriya ankamva bwanji mumtima pamene ankalankhula ndi Davide, mawu omwe ali muvesi 11?

2 FUFUZANI MOZAMA.

Kodi mukuganiza kuti Yowabu anathandizira bwanji kuti Uriya aphedwe?

(*Werenganinso vesi 14-17.*) _____

Kodi mukuganiza kuti Bati-seba anali ndi mandu uliwonse pa zimene zinachitikazo?

(Zokuthandizani: *Werenganinso 2 Samueli 11:4*; kenako werengani *Levitiko 20:10.*) _____

Kodi mukuganiza kuti Davide anafunika kukhala ali kuti pa nthawi imene ankaona Bati-seba?

(*Werengani 2 Samueli 11:1.*) _____

Baibulo linalosera kuti Mulungu adzaukitsa anthu ambirimbiri amene anamwalira. Kodi mukuganiza kuti zinthu zidzakhala bwanji Davide, Uriya, Bati-seba ndiponso Yowabu, akadzaukitsidwa n'kuyamba kufunsana kuti aliyense afotokoze zimene zinachitika zokhudza nkhanayi? _____

Kodi Davide anaphwanya malamulo ati,
ndipo anayenera kupatsidwa chilango chotani?
(Zokuthandizani: Werengani Ekisodo 20:13, 14, 17;
komanso Genesis 9:6; Deuteronomo 22:22.) _____

Kodi tingati Davide anaphwanya bwanji lamulo limene
lili pa Ekisodo 20:15?

3 GWIRITSANI NTCHITO ZIMENE MWAPHUNZIRA.

Lembani zimene mwaphunzira zokhudza . . .

Kuopsa kopitiriza kulakalaka zinthu zoipa.
(Yakobo 1:14, 15) _____

Kuopsa kuchita zinthu zimene talamulidwa ngakhale
kuti n'zotsutsana ndi malamulo a Mulungu. _____

Zotsatirapo za tchimo, ngakhale tchimolo litakhala
kuti silinaonekere kwa inuyo kapena kwa ena.
(Werenganinso 2 Samueli 11:27.) _____

4 DZIFUNSENI KUTI.

Kodi ndi pa nthawi kapena zochitika ziti pamene
ndingayesedwe kuti ndizingoyang'anitsitsa zinthu
zimene zingandichititse kuti ndizilakalaka zinthu zoipa?

Kodi ndingatani kuti ndisamalakelake zinthu zimene
Mulungu amadana nazo? _____

M'nkhaniyi, kodi ndi mfundo iti imene yandikhudza
mtima kwambiri, ndipo n'chifukwa chiyani? _____

Mungachite izi: Yerekezani kuti ndinu mtolankhani
ndipo mukupereka lipoti la nkhaniyi pa walesi kapena pa
TV. Fotokozani zimene zinachitika ndipo mufunse
mafunso anthu amene akutchulidwa m'nkhaniyi komanso
amene anaona pamene zinthuzo zinkachitika.

